



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 09-3-16-2923- 1 /16
Sarajevo, 28.10. 2016.godine

Na osnovu člana 61. stav 2. Zakona o upravi ("Službeni glasnik BiH" br. 32/02 i 102/09), u skladu sa članovima 64. stav (1) tačka b) i 70. Zakona o javnim nabavkama („Službeni glasnik BiH“ broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14), Ministar vanjske trgovine i ekonomskih odnosa Bosne i Hercegovine, d o n i o j e

O D L U K U

o izboru najpovoljnijeg ponuđača za zaključivanje okvirnog sporazuma u predmetu nabavke usluge print servisa

Član 1.

Prihvata se preporuka Komisije za javne nabavke Ministarstva vanjske trgovine i ekonomskih odnosa BiH, o izboru najpovoljnijeg ponuđača za zaključivanje okvirnog sporazuma u predmetu nabavke usuge - print servisa, za potrebe Ministarstva vanjske trgovine i ekonomskih odnosa BiH, a koji se dodjeljuje firmi **KONICA MINOLTA POSLOVNA RJEŠENJA BH d.o.o. Sarajevo.**

Član 2.

Ponuđač iz člana 1. ove Odluke dostavio je najbolju, evaluiranu ponudu, odnosno nakon primjene preferencijalnog tretmana, ponudio najnižu cijenu u skladu sa članom 64. stav (1) tačka b) Zakona o javnim nabavkama, a ukupna cijena ponude iznosi 52.416,00 KM sa uračunatim PDV-om.

Član 3.

Sa izabranim ponuđačem iz člana 1. ove Odluke će se zaključiti Okvirni sporazum na period od 24 mjeseca, do iznosa procijenjene vrijednosti nabavke, odnosno 50.000,00 KM sa uračunatim PDV-om.

Član 4.

Za realizaciju ove Odluke zadužuje se Sektor za pravne i opće poslove Ministarstva vanjske trgovine i ekonomskih odnosa Bosne i Hercegovine.

Član 5.

Ova Odluka stupa na snagu danom donošenja.

O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ministarstvo) je dana 19.09.2016. godine, Odlukom broj Odluka br. 09-3-16-2923/16, pokrenulo konkurentski postupak za nabavku usluge – print servisa i isti je, dana 22.09.2016., u 16.03, pod brojem 673-7-2-14-3-12/16, objavljen na portalu Agencije za javne nabavke. U ostavljenom krajnjem roku za dostavljanje ponuda na dan 05.10.2016. godine, Ministarstvo je zaprimilo dvije blagovremene i uredno zatvorene, kovertirane ponude i to:

1. KONICA MINOLTA POSLOVNA RJEŠENJA BH d.o.o. Sarajevo - ukupna cijena (popust nije ponuđen) bez PDV-a = 44.800,00 KM;
2. EMADO d.o.o. Sarajevo - ukupna cijena (popust nije ponuđen) bez PDV-a = 42.600,00 KM;

Prema izvještaju broj: KJN-interno-13/16 od 25.10.2016. (Veza: Odluka br. 09-3-16-2923/16 od 19.09.2016. godine), Komisija za javne nabavke Ministarstva, koja je izvršila detaljne uvide u dokumentaciju pristiglih ponuda i provjere usklađenosti istih sa tenderskom dokumentacijom, je utvrdila da dostavljene ponude zadovoljavaju sve formalnopravne i tehničke uslove navedene u Tenderskoj dokumentaciji.

Također, utvrđeno je da se na ponudu ponuđača EMADO d.o.o. Sarajevo se ne može primijeniti preferencijalni tretman domaćeg iz razloga što je u svojoj ponudi (Aneks 6) zaokružio opciju b) koja glasi: „da preduzeće koje dostavlja ovu ponudu ne može na istu primijeniti odredbe o preferencijalnom tretmanu domaćeg“.

Nakon primjene preferencijalnog tretmana na ponudu ponuđača KONICA MINOLTA POSLOVNA RJEŠENJA BH d.o.o. Sarajevo, evaluirana cijena istog je povoljnija od drugog ponuđača.

Komisija je, prema utvrđenom kriteriju najniže cijene, a u skladu sa članom 64. stav (1) tačka b) i Odlukom o obaveznoj primjeni preferencijalnog tretmana domaćeg, Sl. glasnik 103/14, dala preporuku da se u predmetu javne nabavke usluga – print servisa donese odluka o zaključivanju okvirnog sporazuma na period od 24 mjeseca, do iznosa procijenjene vrijednosti nabavke, odnosno 50.000,00 KM sa uračunatim PDV-om, sa ponuđačem KONICA MINOLTA POSLOVNA RJEŠENJA BH d.o.o. Sarajevo. Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove odluke može se u pisanoj formi uložiti žalba najkasnije u roku od 5 dana po prijemu odluke. Žalba se podnosi ugovornom organu.



Dostaviti:

- ponuđačima
- Sektoru za opće i pravne poslove
- a/a